

ZELENA POVELJA

Mi, potpisnici ove Zelene povelje, svjesni izazova sa kojima se suočava naš svijet – klimatske promjene, gubitak biodiverziteta, zagađenje, iscrpljivanje prirodnih resursa i društvene nejednakosti – prepoznamo odgovornost koju svi nosimo u izgradnji održivije budućnosti.

Vjerujemo da zelena tranzicija nije samo globalni cilj, već i lokalna prilika – za nova radna mjesta, inovacije, zdraviju zajednicu i pravedniji svijet za buduće generacije.

NAŠA MISIJA

Kao potpisnici Zelene povelje, obećavamo da ćemo svojim djelovanjem biti dio rješenja, a ne problema. Vjerujemo da zelena tranzicija nije samo odgovornost institucija, vlada ili velikih kompanija – već nas svih, kao pojedinaca, profesionalaca, istraživača, studenata, poduzetnika i građana.

Zajedno gradimo zeleniju, pravedniju i održiviju Bosnu i Hercegovinu. Naš glas, naše odluke i naša djela čine razliku.

Zelena budućnost počinje sada – i počinje s nama.

Inspirisani principima Zelene taksonomije, obavezujemo se da ćemo u svom profesionalnom, akademskom i ličnom djelovanju poštovati principe i obaveze, koje slijede u nastavku.

NAŠI PRINCIPI I OBAVEZE

1

Promovirati principe održivog razvoja u svim oblastima djelovanja – od obrazovanja, istraživanja i poduzetništva do industrije, finansija i javnog sektora.

2

Primjenjivati Zelenu taksonomiju kao vodič u donošenju odluka, razvoju projekata i poslovanju, sa ciljem da inicijative budu u skladu s principima zaštite okoliša, društvene odgovornosti i dugoročne održivosti.

3

Podsticati inovacije koje doprinose zelenoj tranziciji, uključujući razvoj obnovljivih izvora energije, cirkularne ekonomije, energetske efikasnosti i pametnih rješenja za očuvanje resursa.

4

Aktivno dijeliti znanje o značaju zelene ekonomije, klimatskih ciljeva i Evropskog zelenog plana, te podizati svijest u zajednici o nužnosti tranzicije ka održivim modelima.

5

Saradnjom i partnerstvima doprinostiti razvoju zelenog ekosistema u BiH i regionu, povezivati se sa lokalnim i međunarodnim akterima, i zajednički raditi na inovativnim rješenjima za zelenu budućnost.

6

Djelovati odgovorno, transparentno i etički – znajući da male promjene u našim svakodnevnim navikama i odlukama mogu imati veliki uticaj na globalni nivo.

7

Podržavati i osnaživati mlade generacije da budu lideri zelene tranzicije, kroz obrazovanje, mentorstvo i stvaranje prilika za uključivanje u zelene projekte.